



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Kladanj, 20.03.2013. godine
Broj: 01/S/13

ZAPISNIK
SA XI. REDOVNE SKUPŠTINE
UDRUŽENJA INŽENJERA I TEHNIČARA ŠUMARSTVA FEDERACIJE BiH

Održane dana 20.03.2013. god. (srijeda) u Kladnju u Domu kulture Kladanj, sa početkom u 11,00 sati. Prisutno je bilo 44 (četrdeset i četiri) delegata, a odsutno 21 (dvadeset i jedan) delegat, uz prisustvo 11 (jedanaest) gostiju.

Predsjednik Skupštine je prije zvaničnog otvaranja pozdravio sve prisutne, zahvalio se domaćinima XI. Redovne Skupštine Udruženja, Javnom preduzeću „Šume TK-a” d.d. Kladanj i Općini Kladanj na organizaciji i iskoristio priliku da čestita uvaženom prof. dr. sc. emeritusu Vladimiru Beusu na izboru za dopisnog člana Akademije nauka i umjetnosti Bosne i Hercegovine. Upoznao je prisutne da je prije održavanja Skupštine upriličen prijem za delegaciju Udruženja kod Jusufa Čavkunovića, načelnika Općine Kladanj, kao i da je upriličena sadnja sadnica u parku ispred Općine Kladanja, kao vid sjećanja na održavanje Skupštine Udruženja i Međunarodni dan šuma, te je upriličeno i polaganje cvijeća na spomenik poginulim borcima Armije RBiH.

Nakon pozdravnih riječi i čestitki, predsjednik Skupštine je utvrdio da postoji kvorum za njeno održavanje i Skupštini je predložio slijedeći

DNEVNI RED

1. Otvaranje Skupštine, izbor Radnog predsjedništva i zapisničara.
2. Pozdravne riječi.
3. Prezentacija projekata Udruženja inženjera i tehničara šumarstva FBiH.
4. Razmatranje i usvajanje zapisnika sa X. Redovne Skupštine UŠIT-a FBiH.
5. Razmatranje i usvajanje:
 - a) Izvještaja o radu za 2012. godinu.
 - b) Finansijskog izvještaja za 2012. godinu.
 - c) Izvještaja Nadzornog odbora za 2012. godinu.
6. Razmatranje i usvajanje:
 - a) Plana rada za 2013. godinu.
 - b) Finansijskog plana za 2013. godinu.
7. Tekuća pitanja.

Nakon što je predložen dnevni red, isti je stavljen na usvajanje, te Skupština donosi slijedeći

ZAKLJUČAK

- Jednoglasno se usvaja predloženi dnevni red XI. Redovne Skupštine Udruženja.

Ad. 1. Predsjednik Skupštine je zvanično otvorio XI. Redovnu Skupštinu Udruženja i predložio za Radno predsjedništvo Skupštine sljedeće delegate: Mehmeda Frljka, dipl.ing.šum., Miru Rustemović, dipl.ing.šum. i Fadila Šehića, dipl.ing.šum., a za zapisničara je predložio sekretara Udruženja Azera Jamakovića, te je nakon iznešenih prijedloga, Skupština donijela slijedeći



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

ZAKLJUČAK

- Jednoglasno se usvaja prijedlog Radnog predsjedništva i zapisničara XI. Redovne Skupštine Udruženja.

Ad. 2. Predsjednik Skupštine je istakao da su Skupštini Udruženja pored delegata, prisutni i gosti, te je zamolio goste da se obrate Skupštini Udruženja.

Skupštini su se sa izrazima dobrodošlice i pozdravnim riječima obratili: Refik Avdić – predsjednik Općinskog vijeća Općine Kladanj, Kasim Aljić – direktor Uprave za šumarstvo TK, Refik Hodžić – direktor JP “Šume TK” d.d. Kladanj i Omer Pašalić – direktor Federalne uprave za šumarstvo.

Ad. 3. Prezentaciju projekata Udruženja inženjera i tehničara šumarstva Federacije Bosne i Hercegovine:

1. Projekat prevoda i štampanja knjige “Šume i javne ustanove u BiH”,
2. Implementacija projekata sa Generalnom direkcijom za šumarstvo Republike Turske,
3. Projekat fotomonografije “Šume Bosne i Hercegovine”,

prezentirali su: mr. Emsad Pružan, Sead Alić, dipl.ing.šum. i akademik Vladimir Beus.

Ad. 4. Predsjednik Skupštine je upoznao delegate da je zapisnik sa X. Redovne Skupštine Udruženja objavljen u časopisu “Naše šume” i na web stranici Udruženja i dostavljen delegatima u pripremnim materijalima za Skupštinu, te je nakon toga stavio zapisnik na razmatranje.

Ragib Vranac je imao primjedbu da se u zapisnik ubaci da je bila obaveza da se kolega Ahmet Sejdić zovne na ovu Skupštinu ili da obrazloži razloge svoje ostavke ili da se pročita njegova pismena ostavka.

Predsjednik Skupštine je istakao da je o tome raspravljano na prethodnoj Skupštini i da nema potrebe da se to ponavlja, te da je upoznao prisutne da je izabran i novi delegat Skupštine iz Kantona Sarajevo, umjesto kolege Ahmeta Sejdića.

Nije bilo više primjedbi ni diskusija na zapisnik, te Skupština donosi slijedeći

ZAKLJUČAK

- Usvaja se zapisnik sa X. Redovne Skupštine Udruženja sa 43 glasa “ZA” i jednim glasom “PROTIV”.

Ad. 5. a) Predsjednik Predsjedništva Udruženja, prof.dr. Mersudin Avdibegović, naglasio je na početku da Izvještaj o radu Udruženja za 2012. godinu neće biti prezentiran na standardni način, jer su ga svi delegati dobili u pismenoj formi, a i u prethodnim tačkama dnevnog reda, članovi Predsjedništva su prezentirali neke aktivnosti koje je Udruženje obavilo u prethodnoj godini, te je u kraćim crtama obrazložio Izvještaj o radu za 2012. godinu.

Ad. 5. b) Sekretar Udruženja prezentirao je Finansijski izvještaj za 2012. godinu.

Ad. 5. c) Izvještaj Nadzornog odbora za 2012. godinu prezentirao je član Nadzornog odbora Sejad Rožajac, istakavši da im je ovaj put bilo zadovoljstvo pregledati materijal za 2012. godinu, a koji je bio krajnje transparentan, uvjerljiv, jasan i obrazložen po svakoj stavci i da bi mogao biti uzor pojedinim privrednim subjektima, kako se domaćinski posluje. Naglasio je da je moralo biti i takoreći „vezanje kaiša”, a i ličnog odricanja, te je istakao da je Nadzorni odbor dao najviše ocjene za cjelokupan rad predsjednika, sekretara i članova Predsjedništva Udruženja za 2012. godinu.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Nakon što su prezentirani izvještaji po 5. tački dnevnog reda, predsjednik Skupštine je otvorio raspravu u kojoj su učešće uzeli:

Ragib Vranac, dipl.ing.šum. je imao primjedbe da se Udruženje moralo više očitovati po pitanju zakonske legislative i šumskih požara, kao i nelegalne sječe u šumarstvu i nelegalne aktivnosti. Zatražio je da Udruženje agresivnije krene prema Parlamentu FBiH vezano za usvajanje Zakona o šumama FBiH. Istakao je i primjedbu da nema reakcija Udruženja na postavljanje direktora u ŠPD-ovima, koji nisu šumari.

Šemso Šarić, šum.teh., pridružio se čestitkama akademiku Vladimiru Beusu. Naglasio je da su u nedostatku novaca i rezultati slabiji. Istakao je da bi se trebalo javno objaviti imena članova Udruženja, te je predložio da se pokrene pitanje promjene imena Udruženja, jer ističe da ima kolega koji nisu ni inženjeri, a ni tehničari, pa im smeta sam naziv Udruženja. Također je naglasio da bi se Predsjedništvo trebalo pozabaviti problemom zašto su neki članovi našeg Udruženja, a neki nisu i ima li po tom pitanju neki problem i da je to jedan od uslova za omasovljenje članstva i poboljšanja finansijskih uslova Udruženja.

Juso Omerašević, dipl.ing.šum. je istakao da ga je podstakla diskusija kolege Ragiba Vranca i da na izvještaj i finansije nema nikakvih primjedbi i da su korekto sačinjeni, a ono što se želio nadovezati je afirmacija šumarske struke tj. da se ubuduće mora povećati tempo svih aktivnosti i raditi na afirmaciji struke u društvu. Naglasio je da se moraju zaštititi najkvalitetniji kadrovi, bez obzira iz koje političke stranke dolaze, a loše kadrove stopirati, da ne provode loše politike i urušavaju struku.

Predsjednik Predsjedništva se zahvalio svim diskutantima na korisnim prijedlozima i sugestijama. Komentarišući prethodne diskusije posebno je naglasio napore koje su u 2012/2013 poduzeli šumarski stručnjaci i uposlenici preduzeća šumarstva u borbi protiv šumskih požara. Navodeći ulogu UŠIT-a u prevenciji i rješavanju ovih problema, Predsjednik je podsjetio na aktivnosti provedene od strane Udruženja (osiguranje obuke kadrova, donacija protivpožarnih vozila i opreme, oglašavanje u medijima i sl.) ali i ukazao na ograničene kapacitete UŠIT-a kao nevladine organizacije i neophodnost sistemskog rješavanja problematike šumskih požara u BiH. Što se tiče nepostojanja zakonske legislative u sektoru šumarstva Federacije BiH, Predsjednik je podsjetio da je UŠIT u više navrata upućivao dopise nadležnim institucijama, izražavajući nezadovoljstvo trenutnom situacijom i spremnost za učešće u izradi novih zakonskih rješenja. Predsjednik je sugerisao da rješenje treba tražiti u dijalogu i uvažavanju struke a ne interesa pojedinaca i pojedinih političkih partija. Naglašavajući neophodnost preuzimanja odgovornosti od strane institucija kojima je posao da kreiraju zakonski okvir u sektoru šumarstva Federacije BiH, Predsjednik je podsjetio da je UŠIT kao nevladina i strukovna organizacija, uradio sve što je bilo u njegovoj moći da se donese novi Zakon o šumama, pri tome naglašavajući da je verzija Zakona koju je skupa sa Šumarskim fakultetom i HŠD, predložio UŠIT, transparentno postavljena na web stranici Udruženja i dostupna stručnoj javnosti. Komentarišući prethodne diskusije koje su se odnosile na kadrovsku problematiku, Predsjednik je iznio mišljenje po kojem nije presudno hoće li šumarska preduzeća voditi pojedinci šumarske ili ekonomske provenijencije – puno je važnije da preduzeća funkcionišu po zakonu i uz poštivanje svih principa šumarske struke. Predsjednik je prihvatio kritiku na Izvještaj o radu koja se odnosi na odsustvo podatka o individualnim članarinama ali i naglasio da bez kolektivnih članarina Udruženje ne bi moglo funkcionirati. Što se tiče, promjene naziva Udruženja, Predsjednik je ohrabrio sve članove da dostave svoje prijedloge koji će biti razmotreni od strane tijela Udruženja. Reagujući na diskusije koje su se odnosile na ilegalne aktivnosti u šumarstvu, Predsjednik je istakao da postoje institucije kojima je posao da se bave sankcionisanjem takvih pojava, da UŠIT nije institucija kojoj se takve pritužbe trebaju formalno upućivati ali i uputio apel svim članovima Udruženja i kolegama da identifikuju, prijave i sankcionišu pojave svih ilegalnih aktivnosti u vlastitim sredinama. Na kraju se Predsjednik Predsjedništva zahvalio svim kolegama koji su ukazali na određene slabosti u radu Udruženja i zamolio sve delagete da zajedno učestvuju u iniciranju pozitivnih pomaka u radu Udruženja.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA

T.R.N.: 1011010000430716 - Privredna banka Sarajevo

ID: 4200201050000; P.B.: 01078773

Nakon što nije bilo više diskutanata, predsjednik Skupštine stavio je izvještaje pod tačkom dnevnog reda 5. a), 5. b) i 5. c) na glasanje, te je Skupština donijela slijedeću

ODLUKU

- Jednoglasno se usvaja Izvještaj o radu Udruženja za 2012. godinu.
- Jednoglasno se usvaja Finansijski izvještaj za 2012. godinu.
- Jednoglasno se usvaja Izvještaj Nadzornog odbora za 2012. godinu.

Ad. 6. a) Jusuf Čavkunović, zamjenik predsjednika Predsjedništva prezentirao je Plan rada za 2013. godinu i istakao da je ovo jedna od posjećenijih Skupština. Plan rada će biti usmjeren da se započeti projekti i aktivnosti završe i u demokratskoj proceduri iduće godine izaberu nove kolege, koje će nas zastupati u narednom periodu, te je u nastavku u kratkim crtama prezentirao planirane aktivnosti za tekuću godinu, te naglasio da nakon što Skupština odobri predloženi Plan rada za 2013. godinu, Predsjedništvo će pripremiti Operativni plan rada za 2013. godinu, analitički ga proširiti i dopuniti, te je inicirao sve kolege na prijedloge, sugestije i kritike, kako bi iste ugradili u kvalitetniji Operativni plan.

6. b) Predsjednik Skupštine je sugerisao ima li potrebe da se prijedlog Finansijskog plana za 2013. godinu prezentira, jer je isti dostavljen u pismenoj formi delegatima Skupštine. Pošto nije bilo zahtjeva da se prezentira Finansijski plan za 2013. godinu od strane sekretara Udruženja, predsjednik Skupštine je otvorio raspravu po tačkama 6. a) i 6. b).

Učešće u raspravi su uzeli:

Ragib Vranac je obrazložio svoju prethodnu diskusiju, dok je Šemso Šarić naglasio i probleme sušenja velikog broja stabala u Zeničko-dobojskom kantonu, kao posljedicu prošlogodišnje suše o čemu treba povesti više računa.

Predsjednik Skupštine je istakao da sve kolege u okviru poslova u svojim preduzećima imaju obaveze da rade i da se pridržavaju pravila i zakona šumarske struke, a ne da očekuju da će Udruženje riješiti sve probleme. Predložio je da u roku od 30 dana Predsjedništvo Udruženja usvoji Operativni plana rada za 2013. godinu.

Nakon što nije bilo više diskutanata po ovoj tački dnevnog reda, Skupština donosi slijedeću

ODLUKU

- Sa 43 glasa „ZA” i jednim glasom „PROTIV” usvaja se Plan rada za 2013. godinu. Zadužuje se Predsjedništvo, da pripremi Operativni plan rada za 2013. godinu, koji će sadržavati nosioce aktivnosti, rokove za izvršenje i konkretizovati sve aktivnosti iz Plana rada za 2013. godinu u roku od 30 dana od dana održavanja Skupštine.
- Sa 43 glasa „ZA” i jednim glasom „PROTIV” usvaja se Finansijski plan za 2013. godinu.

Ad. 7. Pod tačkom tekuća pitanja, Omer Pašalić je dao prijedlog da se uputi dopis resornom Federalnom ministarstvu i Parlamnetu FBiH, za što hitnijem donošenju Zakona o šumama FBiH.

Sejid Čorbić je dao prijedlog da se pripremi za narednu Skupštinu deklaracija o zaštiti šuma od požara i da se nakon sljedeće Skupštine objavi u medijima.



UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE
ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA
T.R.N.: 1011010000430716 - Privredna banka Sarajevo
ID: 4200201050000; P.B.: 01078773

Nakon što nije bilo više diskutirano po ovoj tački dnevnog reda, Skupština donosi slijedeći

ZAKLJUČAK

- Zadužuju se predsjednik i sekretar Udruženja da dostave u roku od 24 sata dopis za hitnim usvajanjem Zakona o šumama FBiH, na adresu Parlamenta FBiH i resornog Federalnog ministarstva, te da u što kraćem roku pripremi saopštenje za javnost vezano za šumske požare.

Predsjednik Skupštine se zahvalio svima što su se odazvali, kao i domaćinima ovogodišnje Skupštine, Općini Kladanj i JP „Šume TK”, te naglasio da je ovo posljednja redovna Skupština i da je sljedeća izborna, te da će najveća aktivnost biti da nam Izborna Skupština prođe u najboljem redu i da ispoštujemo sve kriterije od odabira kandidata za pojedine komisije do izbora članova Predsjedništva, te je zaključio XI. Redovnu Skupštinu Udruženja.

Skupština je završena u 13,30 sati.

Zapisnik vodio

Azer Jamačović

Predsjednik Skupštine

Fadić Šehić dipl.ing.šum.